

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10) i člana 139. Zakona o visokom obrazovanju („Službene novine Zeničko-dobojskog kantona”, broj: 6/09, 9/13, 13/13, 4/15, 5/18, 4/19 i 19/20), a u vezi sa članom 2. i članom 3. Odluke o davanju saglasnosti na Plan upisa studenata u prvu godinu prvog ciklusa studija na Univerzitetu u Zenici u akademskoj 2021/2022. godini („Službene novine Zeničko-dobojskog kantona“, broj: 10/21) na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 117. sjednici, održanoj dana 12.08.2021. godine, d o n o s i

ODLUKU

o davanju saglasnosti na povećanje broja studenata za upis u prvu godinu PRVOG ciklusa studija na Univerzitetu u Zenici u akademskoj 2021/2022. godini

Član 1.

(Kvote za fakultete)

U skladu s članom 2. i članom 3. Odluke o davanju saglasnosti na Plan upisa studenata u prvu godinu prvog ciklusa studija na Univerzitetu u Zenici u akademskoj 2021/2022. godini („Službene novine Zeničko-dobojskog kantona“, broj: 10/21) daje se saglasnost na povećanje broja studenata za upis u prvu godinu prvog ciklusa studija na Univerzitetu u Zenici u akademskoj 2021/2022. godini:

Red. br.	Fakultet	Studijski program	Ime i prezime	Redovni studenti-finansira Osnivač
1.	Medicinski fakultet	Opća medicina	Smail Idrizović Neira Selimović	4
		Zdravstvena njega	Ahmed Bistrić Emina Mujanović	
2.	Ekonomski fakultet	Menadžment	Nedim Redžić	2
		Finansije i računovodstvo	Dedžmin Odošić	
3.	Islamski pedagoški fakultet	Inkluzivna edukacija	Muamer Huskanović	1
UKUPNO:				7

Član 2.

(Povećanje broja studenata za upis na prvu godinu-kategorija branilaca i članova njihovih porodica)

Povećanje broja studenata za upis u prvu godinu prvog ciklusa studija na Univerzitetu u Zenici u akademskoj 2021/2022. godini odnosi se na kategorije djece šehida, poginulog, umrlog, nestalog branioca; poginulog, umrlog, nestalog dobitnika ratnog priznanja ili odlikovanja; umrlog ratnog vojnog invalida i umrlog demobiliziranog branioca, koja su položila prijemni ispit, ali zbog nedovoljnog broja bodova nisu ostvarila pravo na prijem, kao i na one koji nisu ostvarili potreban broj bodova po općem i posebnom kriteriju na fakultetima na kojima nije bilo prijemnog ispita.

Član 3.
(Realizacija odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Univerzitet u Zenici, svako u okviru svojih nadležnosti.

Član 4.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Mirnes Bašić

Broj: 02-34-11158/21

Datum, 12.08.2021. godine
Zenica

DOSTAVLJENO:

1x Ministarstvo za obrazovanje, nauku, kulturu i sport,
1x Univerzitet u Zenici, putem Ministarstva,
1x „Službene novine Zeničko-dobojskog kantona“,
1x a/a.